



Broj: 01-04.6-113/22 - 2
Gornji Vakuf-Uskoplje;
09.01.2023.godine

Na osnovu člana 2.12 stav (5) Izbornog zakona Bosne i Hercegovine („Službeni glasnik Bosne i Hercegovine“, broj; 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20.), člana 7. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj; 67/21, 73/21 i 13/22) i člana 2. Odluke o pokretanju postupka za izbor i imenovanje tri člana Općinske izborne komisije Gornji Vakuf-Uskoplje („Službeni glasnik Općine Gornji Vakuf-Uskoplje“, broj; 7/22.) Općinsko vijeće Gornji Vakuf-Uskoplje objavljuje

**JAVNI OGLAS
za izbor i imenovanje tri člana
Općinske izborne komisije Gornji Vakuf-Uskoplje**

I

Objavljuje se Javni oglas za izbor i imenovanje tri člana Općinske izborne komisije Gornji Vakuf-Uskoplje.

Članove Općinske izborne komisije imenuje Općinsko vijeće Gornji Vakuf-Uskoplje, uz saglasnost Centralne izborne komisije Bosne I Hercegovine, na period od 7 (sedam) godina.

II

U skladu sa Izbornim zakonom Bosne i Hercegovine i Uputstvom o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini, osoba koja je kandidat za člana Općinske izborne komisije Gornji Vakuf-Uskoplje, treba ispunjavati sljedeće opće uvjete:

- da je osoba sa pravom glasa,
- da je osoba sa odgovarajućom stručnošću i iskustvom u provođenju izbora.

III

Pored općih uvjeta iz tačke II ovog Javnog oglasa, osoba koja je kandidat za člana Općinske izborne komisije Gornji Vakuf-Uskoplje mora ispunjavati i sljedeće posebne uvjete:

- da ima prebivalište u Općini Gornji Vakuf-Uskoplje,
- da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS i
- da posjeduje iskustvo u provođenju izbora.

Pod iskustvom u provođenju izbora, podrazumijeva se:

- a) članstvo u izbornoj komisiji i
- b) članstvo u biračkom odboru na izborima obuhvaćenim Izbornim zakonom BiH.

U skladu sa odredbom člana 4. stav (1) Uputstva, član izborne komisije može biti predsjednik ili sudija redovnog suda, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica,

ako ispunjavaju uslove određene članom 2.2 stav (1) i (2) Izbornog zakona BiH, a nemaju smetnji iz člana 2.3 Izbornog zakona BiH.

IV

Sastav Općinske izborne komisije Gornji Vakuf-Uskoplje je multietničan, tako da odražava zastupljenost konstitutivnih naroda, uključujući i ostale, vodeći računa o posljednjem popisu stanovništva provedenom na državnom nivou.

U sastavu Općinske izborne komisije Gornji Vakuf-Uskoplje nastojat će se osigurati zastupljenost spolova u skladu sa Zakonom o ravнопрavnosti spolova u Bosni i Hercegovini.

V

U skladu sa odredbama člana 2.3 Izbornog zakona BiH, za člana Općinske izborne komisije Gornji Vakuf-Uskoplje ne može biti imenovana osoba:

- koja se ne može kandidirati u smislu odredaba članova 1.6, 1.7 i 1.7a Poglavlje I Izbornog zakona BiH,
- koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora),
- koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav 4() Poglavlje II Izbornog zakona BiH,
- koja je kandidat za izbore za bilo koji nivo vlasti,
- kojoj je izrečena kazna za radnju koja predstavlja težu povredu izbornog zakona ili propisa, za koju je lično odgovorna, u posljednje četiri godine, računajući od dana pravosnažnosti odluke.

VI

U skladu sa članom 2.12 stav (7) Izbornog zakona član Općinske izborne komisije Gornji Vakuf-Uskoplje ne može biti zastupnik, odnosno punomoćnik političkog subjekta, koji učestvuje na izborima, ili osoba koja je pravomoćnom sudskom presudom osuđena na kaznu zatvora u trajanju od šest mjeseci ili duže.

VII

Član Općinske izborne komisije Gornji Vakuf-Uskoplje ne može biti osoba koja obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, odnosno osoba koju je na dužnost imenovalo Vijeće ministara BiH, Vlada Federacije BiH, Vlada Republike Srpske, kantonalna vlada i općinsko/gradsko vijeće, odnosno skupština općine.

VIII

Prilikom prijavljivanja na ovaj Javni oglas, kandidati su dužni dostaviti sljedeću dokumentaciju:

1. Prijavu/Prijavni obrazac sa kontakt podacima; ime, ime oca i prezime, adresa, broj telefona za kontakt, e-mail adresa, podatke o trenutnom zaposlenju (naziv poslodavca i radno mjesto, odnosno poslovi koje kandidat trenutno obavlja, naznaka da li se radi o kandidatu muškog ili ženskog spola, listu dostavljenih dokumenta i svojeručni potpis podnosioca prijave,
2. obrazac PBA-3 o prebivalištu izdano od strane CIPS-a (ne stariji od tri mjeseca, od dana izdavanja od strane nadležnog organa),
3. ovjerenu fotokopiju diplome o stečenoj stručnoj spremi,
4. dokaz o posjedovanju iskustva na provođenju izbora koji mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta u kojem je kandidat bio član biračkog odbora, te podatak da je kandidat bio angažiran u radu biračkog odbora i obavljao ovu dužnost,
5. dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustva obukama u organizaciji Centralne izborne komisije BiH, ukoliko kandidat ispunjava uslove da bude dodatno bodovan,
6. svojeručno potpisu i od strane nadležnog organa ovjerenu izjavu o nacionalnom izjašnjenju sa posljednjeg popisa stanovništva u Bosni i Hercegovini,

7. svojeručno potpisani i od strane nadležnog organa ovjerenu izjavu o nepostojanju smetnji iz člana 2.3. Izbornog zakona Bosne i Hercegovine, odnosno o nepostojanju smetnji iz tačke V ovog Javnog oglasa,
8. svojeručno potpisani i od strane nadležnog organa ovjerenu izjavu o nepostojanju smetnji iz tačke VI ovog Javnog oglasa,
9. svojeručno potpisani i od strane nadležnog organa ovjerenu izjavu o nepostojanju smetnji iz tačke VII ovog Javnog oglasa.

IX

Prijave na Javni oglas se podnose Konkursnoj komisiji za imenovanje tri člana Općinske izborne komisije Gornji Vakuf-Uskoplje, na adresu ul. Vrbaska, Gornji Vakuf-Uskoplje. Prijave sa potrebnom dokumentacijom se podnose u zatvorenoj koverti sa naznakom "PRIJAVA NA JAVNI OGLAS ZA IZBOR I IMENOVANJE TRI ČLANA OPĆINSKE IZBORNE KOMISIJE – NE OTVARATI".

Javni oglas ostaje otvoren 8 (osam) dana od dana objavlјivanja u dnevnom listu Oslobođenje.

Nepotpune i neblagovremene prijave neće biti uzete u razmatranje.

Po zatvaranju Javnog oglasa, Konkursna komisija za izbor i imenovanje tri člana Općinske izborne komisije Gornji Vakuf-Uskoplje će pregledati dokumentaciju, a sa kandidatima čije su prijave blagovremene i potpune, obavit će se intervju, nakon čega će se sačiniti rang lista sa redoslijedom kandidata, prema ukupnom broju bodova za svakog kandidata.

Predmet intervjuja bit će poznавanje Izbornog zakona Bosne i Hercegovine, prema pitanjima iz stava (4) člana 10. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik Bosne i Hercegovine", broj; 67/21, 73/21 i 13/22).

Javni oglas će biti objavljen u dnevnom listu Oslobođenje i na web stranici i oglasnoj ploči Općine Gornji Vakuf-Uskoplje.

Kompletan tekst Javnog oglasa, sa potrebnim obrazcima, dostupan je zvaničnoj web stranici www.gornjivakuf-uskoplje.ba.



Predsjednik
Općinskog vijeća
Goran Batinic, mag.nov.